

Secundante DEO!
DISSERTATIO PHILOSOPHICA.
De

I D E A R U M G E N E S I ,

Qvam,

*Ex indultu amplissimi Senatus Philosophici, in florentissimo
ad Auram Lyco,*

Sub MODERAMINE

M. JOHANNIS W ALLENII,

Hactenus Log. & Metaph. jam vero designatus. Theologiae Professoris Ordinarii.

Pro HONORIBUS MAGISTERII,
Publico Eruditorum Examini modeste submittit

Alumnus REGIUS
CAROLUS JOHANNES BECKMAN

O. Bot.

In Auditorio superiori, horis solitis
Ad diem, si Deo via visum fuerit, VII. Junii, Anno reparatae
salutis. MDCCXXXII.

ABOÆ, Excid. Joh. Kiæmpe, Reg. Acad. Typ.

J. P. G. C. Wallen

S:æ R:æ M:tis.

Magnæ Fidei VIRO,

Reverendissimo Patri ac Domino,

DOMINI NOSTR. JONANÆ

FABHLENIO,

S. Theologiæ DOCTORI
celeberrimo,

Inclitæ Dioceſeos Aboënsis EPISCOPO
Eminentissimo,

Academiæ ibidem PROCANCELLARIO
Magnificentissimo,

Venerandi Consistorii Ecclesiastici PRÆSIDI
Gravissimo,

Scholarum per totam Dioceſin EPHORO
Adcuratissimo,

MÆCNATI & PROMOTORI
Summo,

Vitam prolixam & Fata
Felicissima!!!

Inclite Macenas, qui Fennica sacra tueris,
Quem celebrat Pindus, veneratur scandia tota,
Da veniam Muse, quam sors jactavit iniqua,
Quaque Tua ad properat cultissima lmina supplesia,
Presidium querens certa portumque salutis:
Accipe que titubans Tibi fert pia munera, magne
Prælul, & illa velis habeat locus ultimus adis.
Vestri semper adest animis idea favoris,
Ac bilaris vultus, dulcis jucundaque imago
Hos facit intrepidos, numerum cumulatque clientum.
Nititur hoc mea spes etiam fulcimine blanda,
Ecce mihi persuaderet referat ne moesta repulsam.
Nos, si Tu facilis nunc excipis bancke Thalian
Mecenas, animo, tendens ad aethera palmas,
Floret ut Tua perpetuo rigeatque senecta,
Si, Patrie salvusque diu fessusque Sioni,
Sint Tibi sintque Tuis etatis secula multa,
Fulgeat in cœlis animus terrestria mittens!

REVERENDISSMÆ TUA PATERNITATIS

Servus Humillimus
CAROLUS JOH. BECKMAN.

VIRO

Summe Rederendo atq; Amplissimo Domino,

DOMINI ANDREÆ
BERGIO,

S. Theologiæ Doctori & Professori in Regia qvæ Aboæ est Academia primario, Diœcœlos Aboënsis Archi-Præposito celeberrimo, Ecclesiæ Cathedralis Svecanæ, Antistiti vigilissimo, utriusque Consistorii Adseffori Gravissimo.

MÆCENATIBUS & PRO-

Dubius sane diu habet nibi animus, utrum sub ausspi-
cione mei fœtum edere sustinerem, quippe quod in
cœle ab instituto fuisse abductus, nisi summus ac incons-
rexisset meum. Eo itaque jam nixus illumve ulterius ambiens,
bancce meam, non ut munus quoddam vel debiti eujusdame
meque fatorum varietate diu multumque iactatum, sub uns-
cenates magni, Ecclœsa, studiis, Republica, mibique

Magnorum Nomi-

CAROLUS IOH BECKHAM

Cultor h[ab]it
CAROLUS JO-

VIRO
Maxime Reverendo atque Amplissimo Domino,

DOMINI I S A A C O

BECKMANDI

S. Theologiæ Professori ad Regiam Academiam A-
boënsim celeberrimo, Ecclesiæ Cathedralis Fenni-
æ Pastori longe dignissimo, utriusque Consistorii
Adseffori adcuratissimo,

MOTORIBUS MAGNIS.

cio Amplissim: Nominum Vestr. bunc qualemcumque
eo nihil tantis nominibus dignum appareat. Quare & fa-
parabilis Vester in Literarum cultores favor, animum eo
bumillime rogo, dignemini Mæcenates optimi, opellane
solutionem, sed ut pignus pietatis potius benignè suscipere,
bra favoris Vestrì in posterum protegere. DEUS Vos Mæ-
sin plurimos annos fôspites ac incolumes esse jubeat. Sic uox
num Vestrorum

HANNES BECKMAN:

Præclarissimo Domino,
Mag. MATTHIAE HALLENIO,
Facultatis Thæologicæ Aboensis Adjuncto dexterrimo
& Pastori in Lundo meritissimo, Fautori
exoptatissimo.

A misericordia Perquam Reverendo atque Clarissimo ;
Dno. GEORGIO LITONIO,
IV. Pastori & Sacellano in Lundo longe meritissimo,
Fautori meo ut certissimo, ita omni officiorum
genere æternum himillime prosequendo,

Perquam Reverendo
Dno CAROLO

Ecclesiae Nerpenis Commissario meri-

Dicitur l'ssertationem hancce graduelam in memor-

tis adprecationc, pro incolumitate Vestrar

Auctor &

IANES RECMLV

Perquam Reverendo atque Preclarissimo,
Mag. ABRAHAMO ROERING,
Compastori Leg. Pedestris: nec non Ecclesiæ Ca-
thedralis Fennicæ Sacellano vigilantissimo, Fautori
honoratissimo.

Venerabili atque Doctissimo,
Dno. JOHANNI ALFTAN,
V. Pastori & Sacellano in Ingo meritissimo, Ayun-
cule honoratissimo.

atque Doctissimo
HOFFREN,
tissimo, Patrui loco venerando.

am acceptorum beneficiorum, cum omnigena felicite-
perenni officiose offert,

Respondens,

Regementskristiwaren vid Björneborgs Infanterie

Regemente/

Wålahreborne och Wålbetrodde

Herr JOHAN GRUNDSTRÖM,

Min Högtårade GYMNARE.

Handelsmannen i ÅBD/

Åhreboane och Högwålachtad

Herr JOST JOHANSON SCHULTZ,

Min Högtårade GYMNARE.

Så och

Handelsmannen versamlingstades/

Herr GEORG HAWEMAN,

Min Högtårade Gymnare.

Handelsmannen i Christina,


Herr CASPER LEBELL,

Min Högtårade Gymnare.

Samtlige mine Högtårade GYMNARE warde
 detta ringa Arbetet för all årtedd gunst och godhet
 offererat af deras

Hörsamste Tienare

CARL JOHAN BECKMAN.



PRÆFATIO.

Non absqve ratione illa Philosophia, qvæ de anima eiusqve operationibus agit, occulte a nonnullis accensetur. Quemadmodum enim natura spirituum in genere, ex eorum est numero, de qvibus potius, qvid non sint, qvam qvid sint, dici potest; sic nec exactam sui operacionumqve suarum cognitionem habere potest mens humana. Experitur qvidem varias in se mutationes, variarumqve rerum tum in se tum extra se positarum ideas atqve notiones. Novit utcunqve allegare cauſas & rationes mutationum idearumq; modum autem quo mutationes in anima fiant ideaq; formentur, ignorat. Unde tot inter Philosophos de ideis earumqve in primis origine tententiarum diuertia. Proinde Joh. Clericus in hoc puncto ignorantiam suam ingenue profiteri consultum dicit, dicendo: *nos hoc in negotio ēπεχειν & naturam inter ea numerare, ad quorum cognitionem aut omnino pervenire non licet, aut adhuc saltē non licuit, tutius censemus. Neque hoc mirum videatur, quando ne mentis quidem ipsius*

A

natura

natura nobis nota est, qua ignorata, nunquam omnes ejus operationes satis plene notamus. (a) Qvæ qvamvis ita se habeant; nobis tamen vitio versum iri minime existimamus, qvod arduam hanc & difficilem de *Genesi* idcarum materiam molli brachio elaboratam, publicæ lucis facere ausi fuerimus; qvum tantum abest, nobis tribuamus plenam & planam ejus translationem, ut potius ingenue fateamur *genesin* idcarum etiam perspicacissimis multum faciliere negotiis, immo modum, qvo producuntur. occultum manere. Interim tamen qvid tenuis nostra minerva in ardua hacce re præstare potuerit, tacentissimo B. Lectoris judicio subjicere licebit.

§. I.

Moris disputantibus recepti tenaces, omnium primo evolvemus notionem vocabulorum in rubro. Utrumque autem origine græcum est, sed latina donatum civitate. *Idea* a verbo *ideū videre*, derivatur: habet namque idea se ad instar oculi mentis, qvo omnia, qvæ sub intellectum cadunt, intuetur quasi & cognoscit. Significat vero rei formam in mente. Qvo sensu *idea* nihil est aliud quam qvod nostra lingua dicimus et tings föreställande i Södhet. Qvando enim objecta vel materialia obversantur sensibus externis, vel mutationes in anima fiunt, illam habet à supremo Creatore sibi concessam vim ac facultatem, ut possit ea percipere sibiique repræ-

(a) *Pneumat. Sect. I. C. 5. §. V.*

§

repræsentare , qualiscunqve demum illa sit repræsentatio , sive clara sive obscura , sive confusa sive distincta &c. Et hæc ipsa repræsentatio alias *notio* sive *idea* dicitur. *Genesis* a verbi *γνῶσις* secunda persona sing. præteriti passivi derivatur & notat generationem , nativitatem &c. h. l. productionem , formatiōnem idearum in mente.

§ II.

ANequam vero tractationi de *Genesi* idearum nos immittimus , earum existentiam primum probare e re esse ducimus. Dari autem ideas , i. e. rerum , quæ nobis offeruntur , repræsentationem in mente , & a priori potest demonstrari & a posteriori . A posteriori per experientiam internam. Qui enim probe & accurate attendit ad ea ipsa , quæ in anima sua contingunt , convincitur certe dari varios variarum rerum in mente conceptus. Adeoque solum hoc domesticum testimonium probandæ idearum existentiæ sufficeret , nisi suppetarent alia a priori petita , ab ipsa puta natura & indole mentis finitæ & veritatis existentia. Attributum animæ esse cogitationem , extra omnem dubitationis aleam est positum. Qvum autem cogitare , h. e. contemplari res , immediite vel intuitive sine intervenitu idearum , supra sphæram activitatis humanæ sit positum ; ab existentia mentis finitæ idearum existentiam tuto inferre licet. Porro: qvum dentur veritates in rébus , qvarum sciendi desiderium homi-

nibus est innatum, qvōd frustraneum foret, nisi daretur veritas logica, h. e. rebus conformis cognitio; hæc autem cognitio non nisi ope idearū acquiritur, conse-
qvens est, data veritate, dari ideas. Quid? qvōd nisi darentur ideæ, de omni veritatis certitudine actum esset: nulla naturæ esset lex nec regula vi-
tæ, nec ullum discrimen honestorum & turpium;
sed pro cujusque arbitrio & justum & injustum pa-
ri passu ambularent. At dicis dari quidem notio-
nes sed non veras. Respondemus, ubiunqve sunt
claræ & distinctæ, non possunt non esse veræ, cum
fieri nunquam possit; ut Deus, qui summe perfe-
ctus & verax est, facultatem concesserit hominibus
falsas solum ideas sive notiones de rebus formandi,
minime autem veras. Omnis namque fraus &
defectu pendet, & non nisi ex metu est & malitia;
qvippe metus potestatis diminutionem arguit,
malitia vero bonitatis supponit privationem, qvo-
rum neutrum in Deum summe perfectum cadere
potest. Qvōd autem obscuræ & confusæ aliquando
dentur ideæ, id partim objecti naturæ, partim sub-
jecti qualitati est adscribendum.

§. III.

His præsuppositis, proximum est, ut, priusquam
nostram de origine idearum proferamus sen-
tentiam, Philosophorum, non quidem omnium,
qvōd nimis longum foret, sed potissimum in hac
materia opinione discrepancy paucis indicemus.
Pri-

Primus in scenam prodeat *Plato*. Quid ille ipse per ideas suas indicatum voluerit, non usqve adeo notum esse, contendunt eruditi, cum in variis significatibus vocabulum ideæ adhibuisse illum & obscure de ea disputasse observent. Consentaneum tamen in eo plurimi, illum dupli modo ideas suas considerasse, vel *in sensu metaphysico* vel *logico*. Priori sensu existimant alii eum per ideas nihil aliud intellexisse, quam æternas rerum possibilitates seu res omnes possibles, quæ in Deo fuerunt, mundum sensibilem producturo, quasi exemplaria & archetypa rerum creandarum. Alii eo usqve abiisse Platonem, ut persalterit sibi Deum ideas ex sua mente produxisse: esse illas ab intellectu divino separatas, æternas, mutari nescias, ad quorū exemplarū S. Numen, ea, quæ videmus sensibusq; percipimus, condiderit; licet absurdam hanc sententiam a tanti nominis philosopho removeant nonnulli. Posteriori vero modo & respectu ad homines habito, ideæ ipsi sunt exemplaria, quorum opere res ab anima nostra percipiuntur, in quo cum Philosophis hodiernis tantum non omnibus convenit. Sed de eorum origine peculiarem fovet opinionem, omnes ex reminiscientia quadam animæ derivando; mentem enim cum tabula comparavit rasa, cui omnes ideæ antea fuerint impressæ, sed postquam in corpus tamquam ergastulum suum detrusa esset, statuit illas iudas deletas vel potius suppressas fuisse. Ad eoq;

eoqve ad eas producendas & resuscitandas reminiscentiam illam , de qua modo dictum , tantum necessariam esse , philosophicj munus ac officium in eo præcipue ponebat , ut homo pristinas ideas sensim ac sensim recognoiceret . Hæc autem de origine idearum doctrina tantum abest admittatur , ut potius fallæ hypothesi de anima essentiæ divinæ particula superstructa , tamquam absurdæ & impia rejiciatur .

§. IV.

AB illo recessit discipulus illius *Aristoteles* & affilavit mentem tabulæ nudæ , cui nihil inscriptum atqve insculptum esset , inscribi tamen possent omnia ; adeoqve ideas intellectus humani esse immensas rebus singularibus , qvas mentem separare & sensim sibi effingere posse credidit . Unde non potest non liquidum esse , qvænam ejus de genesi idearum fuerit sententia : scil . illas omnes mediantibus sensibus oriri . Unde per vulgatum illud : *Nihil est in intellectu quo i non prius fuit in sensu* . Qva ratione Aristotelem bene quidem sensisse celeb . Walchius (c) existimat , si modo hec doctrina aliis ipsius opinionibus de anima & intellectu agente accuratis responderet . Cum Aristotele multi recentiores Philosophi consentiunt , qvi dicunt omnes ideas vel immediate a sensibus derivandas esse , vel latenter occasione illarum rerum , qvas sensibus antea percepimus , in anima excitari , nempè vel compositione , vel ampliacione , vel similitudine &c proportione , licet illorum senten-

tiam

(c) parerg. Acad. p. m. 737.

Si am uti absurdam rejicit auctor artis cogit. (d)
De hac autem re dabitur in sequentibus uberior dis-
serendi ansa.

§. V.

Missis aliis vetustiorum philosophorum sententiis,
ad *Cartesium* accedimus. Qui, prout abjecto
servitutis jugo libere philosophari coepit; ita & de
origine idearum ceteris senior fuisse multis videtur.
Media enim quasi via inter *Platonem* & *Aristotelem*
incedens, neque omnes ideas vel cum *Platonicis* in
anima sine interventu sensuum externorum oriri,
vel cum *Aristotele* solum ex sensibus derivandas esse
docuit, sed ideas in tres classes divisit, in *innatas*,
adventitiias & *factitias*. *Innatas* a mente ipsa in se ex-
citari putavit sine adminiculo sensuum externorum;
Adventitiias ope sensuum externorum animæ exhibe-
ri; *factitias* vero ex *innatis* & *adventitiis*, imagi-
nationis opera, fingi. Cum autem a multis obser-
vatum sit de ideis *innatis* inconstanter admodum
locutum fuisse *Cartesium*, sibiique ipsi repugnare, dum
illas modo facultatem cogitandi, modo formas co-
gitationum dicit, non mirum est, haec de ideis a
Cartesio facta multos contutas.

§. VI.

Nihil nunc attinet de illis dicere, qui *innatas* *Car-*
tesii ideas admirerunt quidem; alia tamen ra-
tione ac *Cartesius* istas animo suo formaverat. Interim

ab

8
ab instituto non erit alienum, *Malebranchii* ingenio-
fissimi philosophi Galli *Wofisque* intentias attin-
gere. Statuit autem ille nos, propter immediatam
animæ nostræ conjunctionem cum Deo, omnium
rerum, quæ sensibus nostris extrinsecus repræsen-
tantur, ideas non in nobis ipsis, sed in Deo vide-
re, adeoque illas non existere in mente, tanquam
eius modificationes, sed in Deo. Verum enim ve-
ro quam absurdum hoc sit dogma, cuique patere
existimamus; præterquam enim quod ideas intel-
lectui divino, actui purissimo & perfectissimo, ac-
commode, imperfectionem involyat; cum idea-
rum sit actuare potentiam cognoscitivam; unionis
inter Deum & mentes arctioris, quam quæ ad o-
mnes universum creaturas spectet, h. e. omnipræ-
sentiae divinæ, prorsus ignara est ratio. Vel si sup-
ponatur arctior aliqua inter Deum & mentes unio,
rationi obvia, inde tamen non magis sequeretur,
mentes vi hujus unionis in Deo ideas rerum ma-
terialium contemplari, quam ex unione illa inter De-
um & fideles mystica inferretur, posse fideles ob-
jecta spiritualia per ideas, quæ in Deo sunt, immedi-
ate percipere. (e) Quod ad *Wolfum* attinet, existimat
ille veritati consentaneum esse, notiones rerum ma-
terialium non per sensus in animam deferri, sed illi
revera inesse modo rebus finitis possibili, & in
effen.

(e) vid. *Dissert. Do. Mag. Joseph. Kellman Ups. 1733.*
habitam.

essentia ejus veluti sepultas jacere , mentemque i.
deas , a propria essentia , occasione mutationum a
rebus externis in organis sensoriis corporis factarum,
solum evolvere , (f) earumqve illam esse connexio-
nem ut prior sit fundamentum seqventis (g).
Nec mirum huic insistere sententiæ celeb. virum ,
cum tuendæ ejus de harmonia præstabilita hypothe-
si quam maxime inserviat. Nobis autem hæc sen-
tentia maximis premi difficultatibus videtur. Ex-
perientia namque constat, res innumeræ sensibus no-
stris oblatas, quæ nullam inter se habent connexionē ,
uno fere momento nobis repræsentari, e. gr. Amicum ,
asinum , instrumentum musicum , aquam , flammam ,
hominem , currum , servum , equum &c. Qvis autem
unam harum representationum rationem alterius
continere dicere audeat , faltem demonstrare que-
at ? Si ergo quæritur cur de hisce rebus cogite-
mus easdemque tentiamus potius quam alias , nulla
certe alia ratio reddi posse nobis videtur , quam hæc :
omnia in mente existere propterea , quia objecta in
organis agunt sensoria , adeoque mentem per cor-
pus tuas habere sensationes (i); idque mero Cre-
atoris arbitrio decretoque , quo voluit jussitque cer-
tas dependentiæ leges actionum vel passionum men-

B

tis

(f) *cogit. ration. de Deo, Mondo & anima* § 819.

(g) *ibid.* §. 108. 767.

(i) *Christoph. And, Buttneri curs. philos. PÆctol.* §. 221.

tis & corporis, certis sub conditionibus, in omne hu-
mani generis ævum valere (k).

§. VII.

Exigit jam ordinis ratio, ut nostram de origine
idearum proferamus sententiam. Qvod licet
fere desperata sit res, adeo ut pronunciaverit cel.
*BUDDELI*s de hac ipsa re nihil certi affirmari posse,
qvicquid Philosophi disputatione (l). Dabimus tamen
operam ut saltem paucis indicemus, qvid nobis ve-
ro similius videatur. Qvod ut rite fiat, necessum
est, ut diversitas idearum ratione *objecti*, de quo
formantur, & ratione medii, per quod formantur,
probe observetur. Objecta menti repræsentata li-
cet multiplicita sint, ad certas tamen revocata clas-
ses, pro alia atque alia consideratione, diversitatem
idearum constituunt; adeo ut ideæ sint aliæ *substan-*
tiarum, aliæ *modorum*, ad quos etiam relationum ideæ
commode referri possunt. Aliæ *singulares*, aliæ *uni-*
versales, aliæ *simplices*, aliæ *complexæ*, aliæ *abstractæ*,
aliæ *concrete* &c. Qvum vero omnis idea suppo-
nat sensationem, quæ, prout vel ope organorum
sensuum, vel mentis fit, est vel *interna*, vel *externa*;
hinc ratione medii, per quod formantur ideæ, Phi-
losophi alii in duas classes ideas omnes divisorunt:
alii in tres. Priores ideas distingvunt in *sensuales* &
intellectuales. Illas sensuum externorum ministerio,
has

(k) *Vid. Rev. D. Rydelii theses pneumat. Cap. III. §. 3.*

(l) *Phil. Instr. p. i. C. §. VIII.*

has ab intellectu , sine illorum ministerio , formari afferentes. Postiores , alias dicunt esse ideas intellectus puri ; alias *sensuum* , alias *imaginationis* : Illas , quæ solius intellectus operatione sine corporeis imaginibus producuntur : Istas , quas ope sensuum externorum anima sibi repræsentat. Has denique , quæ antea impressæ , imaginationis ope iterum revocantur & menti sistuntur contemplandæ . Nullum vero , inter philosophos hos , in re ipsa dissensum esse , vel inde pater , quod ideaë imaginationis ad sensuales commode referri possint ; quum imaginatio sit facultas producendi perceptiones rerum sensibilium absentium , adeoque ministerium sensuum externorum supponat . Nos de origine idealium cùjusque generis in seqüentibus disputatur erimus.

§. VIII.

NUm detur intellectus purus ? disputatur inter philosophos ; quam in rem adhiberi solet distinctio inter intellectum *subjective* & *objective* purum : *subjective* purus dicitur , quando sine commercio cum corpore , partibusq[ue] ejus in primis fluidis , anima agit . *Objective* purus , quando sine conceptu materiali sibi aliquid repræsentat . Neutro sensu intellectum purum dari in statu unionis afferunt alii (1) . Alii autem intellectu[m] *objective* puram animæ denegari non posse contendunt , quum multæ sint res , quas mens per corporeas imagines minime intueri

B 2

possit ,

(1) *Holm. Inst. philos.* p. m. 26.

possit, licet *subjective* purus vix sit admittendus; qvum anima semper, etiam dum habet objecta mere spiritualia, certa ratione uti videatur instrumentis corporeis (m). Nos controversiam hanc, ut pote instituto nostro non præcise servientem, non facimus nostram; satis est observasse, objecta intellectus esse ideas rerum immaterialium, *universales*, *abstractas*, &c. Qvis etenim in se & cogitationes suas debito modo reflectens, negaverit se multarum rerum, utpote mentis luæ, spirituum, essentiæ, attributorum, modorum, justi & injusti, boni & mali, veri & falsi, &c. habere ideas, qvas tam res neqve sensuum externorum, neqve imaginationis esse objecta qvivis facile videt. Reliquum ergo est, ut ad intellectum referantur, sive is purus, h. e. a sensu & imaginatione liber, sive nunquam prorsus purus supponatur.

§. IX.

O Vod igitur attinet ad originem idearum intellectus, nulla inducti ratione statuimus illas esse innatas, qvum ideæ in proprio & formali significatu inferant actualem rerum repræsentationem, & ipsi idearum innatarum propugnatores concedant illas non esse actu nobis congenitas, seu ab ipsis incunabulis præsentes esse & tene exserere, sed solum potentia, adeo ut mens sua sponte vel data occasione a sensibus, eas a se & in se adhibita attentione,

(m) Syrb. fund. Log. p. m. 163.

tione, excitare possit. Qvod si non ideæ ipsæ actu
seu in substantia sua, sed facultas tantum eas for-
mandi nobis congenita esse concedatur, perit certe
omne discriumen inter ideas innatas & adqvitas,
qvæ & ad has formandas necessarium est, ut adsit
facultas seu vis & potentia qvædam congenita. Qva
propter vi eorum qvæ §. VI. & VII. dicta sunt, scil.
ideam omnem supponere sensationem, & mentem
per corpus, tuas habere tensiones, dicimus atq;
asslerimus, ideas hujus classis æque ac reliquas o-
mnes oriri a sensione, nisi a priori, sensione rei, ta-
men a posteriori, sensione de re, si non omnes im-
mediate tamen mediate; licet modum, quo ista ge-
nesis fiat, nobis haud sit facultas cognoscendi. Qvod
tamen ita volumus assertum, ut notitia Dei insita
& principiorum nobiscum natorum, salva manet
& inconcussa, ut ex sequentibus patebit.

§. X.

QVÆ in §. proxime præcedenti, de genesi idea-
rum generatim ac strictim dicta sunt, per
partes quasi & sigillatim ulterius erunt demonstran-
da. Ex distinctione idearum ratione objecti patet e
§. VII. ideas esse vel singulares vel universales. Idea sin-
gularis dicitur, qvæ rem singularem seu individuam
repræsentat. Res singulares sunt vel simplices vel
compositæ, substantiæ vel modi. De ideis compo-
sitorum nil attinet heic dicere, utpote qvarum ide-
æ in classem sensualium referuntur. De ideis sim-
plicium

plicium modorumque, quæ iis insunt, paucis erit agendum. Inest menti non solum facultas seu potestas sentiendi seu percipiendi ea, quæ in ipsa contingunt; sed actu ipso quoque sentit, uti experientia docet; sensationes autem nil sunt nisi modi, quibus anima sibi rei praesentis conscientia est, dum passim se habet. Porro recordatur notarum, quas in obiecto per tensionem deprehendit, quæ recordatio notarum est ipsa representatio rei perceptæ, & per consequens idea. Mutationes, quæ in anima fiunt, non sunt ipsa substantia animæ sed ejusmodi. Has autem mutationes sentit anima. Ergo ideas singulares modorum animæ immediate oriuntur a tensione rei. Cum autem anima seipsum immediate non sentiat, sed solum modo operationes suas, quarum dum incapacem esse materiam, ratiocinando colligit, legitima infert consequentia se esse substantiam simplicem; atque sic idea mentis, qualiscunque illa demum sit, existit. Unde consequitur ideam mentis mediate oriri a tensione, seu sensione de re.

Idee seu notiones universales sunt notiones similitudinum, inter res plures intercedentium; seu quæ pluribus communia exhibent. Similitudo autem ista, quæ rebus pluribus est communis, sensu vel externo vel interno percipitur; operatione vero mentis seu per abstractionem representatur absque rebus, quibus inest; unde consequens est, ideas univer-

niversales, qvæ absqve secunda & tertia
mentis operatione formari non possunt, mediate a
sensione oriri. Ex qvolqvet qvid de notionibus, §.
VII. exempli loco allatis, utpote spiritus, essentiæ,
attributorum, modorum, boni & mali, justi & in-
justi &c. sit habendum, scil. qvemadmodum sunt
universales, ita fundantur in singularibus &
mediante abstractione ab iis eruuntur, singularia
enim sistunt nobis multas circumstantias & omni-
modas determinationes, qvarum determinationum
similitudinem vel dissimilitudinem, in pluribus sin-
gularibus experientia deprehendit. Facta itaque
plurium casuum singularium collatione, formatis tot
judiciis intuitivis, qvot in re percepta distingvun-
tur, omissis prædicatis accidentalibus & liberatis
ijs prædicatis, qvæ in omni casu non sunt eadem,
determinationibus particularibus, notiones univer-
tales, ope experientiæ, qvæ sensionem præsuppo-
nit, formari, per se patet. Unde manifestum esse
arbitramur, qvam debile sit fundamentum, quo
nituntur idearum innatarum propugnatores, dum
ex hisce aliisque ejusdem generis notionibus, qvip-
pe qvæ ex eorum mente, nullius sensus externi vel
imaginationis vi excitentur, hypothesin tuam sta-
bilire conantur.

§. XI.

NE vero qvis, negatis ideis innatis, dicam nobis
impingat negatæ notitiæ Dei insitæ, & prin-
cipio-

cipiorum, uti diei solent, nobiscum natorum; e re esse videtur, ut mentem nostram, quantum ad illa, explicemus. Absit per omnem modum, ut notitiam Dei insitam negemus, cum sacræ pandectæ illam clarissime inculcent; negamus tamen notitiam hanc inesse per modum ideaꝝ; qvippe qvod idea in genuina sua significatione actualē dicat rerum repræsentationem, qvod de notitia insita nemo facile asseveraverit. Num vero per modum potentiaꝝ propinquæ, an per modum habitus insit hæc notitia, disputari solet. Alii dicunt notitiam hanc esse potentiam & quidem propinquam, ita ut simul ac termini apprehensi sint, qvisque sua sola intrinseca sibiqve inde ab utero insita vi cognoscendi, identitatem prædicati cum subjecto videat & ad actum assentiendi eliciendum se determinet, existere Deum. Alii inesse hanc notitiam per modum habitus analogice sic dicti, qvippe qvod, sicut habitus est difficulter inobilis, ita profunde inhæreat hæc notitia animali, nec facile eradicari possit; inesse notitiam hanc actu, licet actualiter statim se non exterat. Verum qvicqvad sit de hoc dissensu, quem non tam realem, quam potius verbalem esse censemus, id certum est, inesse homini perfectionem quandam naturalem, qua, quam primum terminos intelligit, naturali non tam facilitate, quam necessitate, citra ullum ex effectu ad causam discursum, propositionibus de Deo

veris
-010-

79

veris assentitur. (n) vel prout addito pondere
ad assensum determinatur. Idem tenendum est de
notitia insita principiorum. Nemo enim unquam,
quantum nobis qvidem constat, per notitiam insi-
tam principiorum intellexit idearum qvarundam na-
tura nobis insitarum & congenitarum complexum;
sed habitualem solum propensionem assentiendi
propositionibus tam theoreticis quam practicis:
qvæ, quam primum modo termini rite intelligun-
tur, actu se exserit. Et licet inclinatio seu propen-
sio ista minus congrue dicatur notitia, rite tamen
explicata retineri potest hic usus loquendi, & insita
qvoque dici, quandoqvidem apprehensis terminis,
statim intellectui citra discursum inest, non secus
ac si cum ipsa natura ei actu indita & complanta-
ta esset. Nihilominus tamen verum manet, noti-
tiones, qvibus constant principia, tensioni originem
debere.

§. XII.

Quod mediantibus sensibus externis variæ in a-
nimæ orientur ideæ, concedunt facile omnes.
Sed qvod ad genesis earum attinet, tres diversos ob-
servant Philosophi in hoc punto concurrere gradus.
Primus est, quando appellit objectum in organon,
sensorium ita ut illud afficiat ac moveat. *Secundus*
est, cum defertur ille motus ad sensorium commu-
ne cerebrum. *Quem denique Tertius excipit*, ipsa
littera, videtur mihi dubium. Ceterum scilicet matris nem-
(n) *Doct. Fecht. Syllog. Controv. diss. VII. p. m. 131.*

nempe actualis perceptio objectorum in anima, unde ideam sibi format.

§. XIII.

DE modo autem, quo objecta externa organa sensoria afficiunt, ut inde ideae existant, multum dissentient eruditi; *Scholastici & Peripatetici* existimarent, tenuissimas quasdam species seu imagines, sensibiles nominatas sensorium attingere & in illud defluere. *Epicurus & Democritus* hoc contexturæ atomorum, effluvorum corporis aperientium sibi sensorii meatus ascribunt. *Cartesiani* vero fibrillas ex objecto percussas, suo tremore facultatem lentientem excitare arbitrantur. Qvicquid vero de his, certum est objecta organis imprimere motum, quocunque deum fiat modo, qui excipitur ab extremitatibus nervorum & ope spirituum animalium continuatur atque defertur ad cerebrum, ubi objecta externa repræsentantur, seu ideae materiales formantur, quibus immateriales in anima respondent, ut experientia constat. Nam ubi nulla de objecto externo idea materialis potest esse in cerebro, ibi etiam nullam adesse in mente immateriale testantur exempla a nativitate cœcorum, quibus idea luminis, colorum, &c. deficiunt & nullo modo imprimi possunt. Idem etiam in morbis gravioribus fieri solere observatur; ubi enim cerebrum lœditur, ita ut ideae materiales ibi formari non possint, deficiunt etiam ideae immateriales in mente, aut saltem

tem, turbato cerebri statu, confusæ oriuntur in mente cogitationes & repræsentationes.

§. XIV.

Num autem repræsentatio semper sit ad id conformata qvod repræsentatur, altioris est indaginis quæstio. Observat Rev. D. & Episcop. Rydelius (o) Cartesium, passiones illas, quæ ex repræsentatione sensibilium proprietatum oriuntur, putasse nihil habere objectis simile suis, sed ex mero Dei arbitrio dependere, non aliter ac significationes vocabulorum & terminorum in linguis ex impositione humana, e. gr. ideam coloris rubri nihil habere simile objecto rubro: potuisse Deum cum motibus, qui oriuntur ex illa reflexione conjungere ideam nigritatis, cum nihil in motibus illis videatur, qvod hanc vel illam passionem animæ naturaliter possit excitare. Contra vero pugnare Leibnitium axiome suum: *Nihil fieri sine ratione sufficiente, & divinam sapientiam nihil facere sine optimo fine, nihil casu vel mero quodam arbitrio.* Si itaque ideae qualitatum corporearum nihil repræsentarent eorum, quæ sunt in corporibus, nullam arbitratur rationem reddi posse cur tales ideae sint nobis datae, & quidem talium rerum tales.

§. XV.

Iple vir Reverendiss. controversiam hanc inter Libnitianos & Cartesianos deciturus, distingvit (o) Colleg. privatis, part. III. Art. XI.

I:0 inter *sensationes* & *sensibiles qualitates proprias*, ut
pote colorem, sonum, saporem, odorem, calo-
rem; & *communes*, nempe magnitudinem, figuram,
sicut, motum & quietem.

2:0 Inter similitudinem *internam* & *externam*, *sym-
bolam* & *quasi metaphoricam*. Qvibus distinctionibus
adhibitis, non certe inficiandum esse existimat,
sensationes proprias aliquid repræsentare, qvod in
objectis revera invenitur: Unde statim consequi, si-
militudinem qvandam intercedere inter *passiones* &
qualitates sensibiles. Sed simul observat hanc simi-
litudinem tantam non esse, qvanta esse deprehen-
ditur inter *qualitates communes* earumqve ideas,
sed esse tantum similitudinem qvandam *metaphori-
cam*, qualis e. gr. inter hominem constantem &
lapidem quadratum, fortunam & globum vel ro-
tam &c. Talem analogiam inter colorem qvem-
libet & ideam ejus, e. gr. inter nigredinem, qvæ
est in *objecto* & *passionem* ei respondentem inveni-
re posse. Nigredinem in *objecto* nigro nihil esse
aliud, qvam porositatem qvandam radios luminis
reflexos in se absorbentem & suffocantem. Nihil
in idea coloris nigri esse huic omnimodo simile, es-
se tantum analogi qvoddam, cuius respectu idea
illa potest porositatis illius aptum esse *symbolum*.
Videlicet sicut in corpore illo pôroso est debilitas
maxima reflexionis materialis, ita in mente, ubi
nigredinem sibi repræsentat, censet esse maximam
debi-

debilitatem reflexionis spiritualis h. e. exhilarationis, cum in idea nigredinis privatio potius exhilarationis sit quam exhilaratio. Non itaque per omnia Leibnitio assentitur, qui ideas, e. gr. colorum, ipsis coloribus omnino similes esse contendit. Largitur ipsis, similitudinem quendam esse debere, alias namque nulla esset ratio representationis; sed hac cum differentia quod cum *Leibnitius* similitudinem illam voluerit esse perfectionem, qualis inter res ejusdem generis, ille externam & symbolicam tantum statuat, qualis est inter res diversorum generum (p). Sed prout haec abstrusiora sunt, quod Reverend. Auctor ipse innuit; ita certi quid heic definire, difficile admodum est. Interim & hoc fatemur, si de perceptione sensibilium materiali sermo est, probabile admodum nobis videri, eandem esse similitudinem inter qualitates sensationum *propriarum ac communium*; si vero de perceptione vel idea immateriali, similitudinem illam æque inter qualitates & representationes communes ac proprias esse analogam, symbolicam, metaphoricam.

§. XVI.

Accedimus jam ultimo ad ideas imaginationis. Quarum origo tanto minus obscura esse potest, quanto certius quivis, ad motus & operationes animæ attendens, experitur ipse, ideas in semet reprodici eorum, quæ antea sensibus externis percepit.

Fa-

(p) Coll. privatiss. Msc part. III, Art. XI.

Facultas autem producendi perceptiones rerum sensibilium absentium, *imaginatio* dicitur. Quæ facultas certe non levis est prærogativa; non enim semper necesse est menti, habere objecta præsentia, quando formare sibi vult ideam sive conceptum de illis, sed potest etiam ope *imaginationis*, de objectis remotissimis cogitare. Neque hoc solum, sed gaudet quoque facultate dividendi ac componendi phantasmatum, h. e. ideas ab *imaginatione* productas, atque eorum compositione ac divisione, ideas rei sensu nunquam perceptæ, producendi. Absque qua facultate si fuisset mens, plurimæ artes & tot artificia nunquam fuissent inventa. Sed simul ad genesis harum idearum observandum est, illas nunquam fere esse simplices, sed alias plurimas ideas menti repræsentare. Per experientiam enim constat, quod si occasione quadam ad partem solum tensionis antea habitæ feratur mens, integrum repræsentari tensionem, seu recurrere ideas omnes quæ per sensationem, eo tempore, coniunctim excitatae fuere; quod cum certo fiat ordine, philosophi hanc constituerunt *imaginationis* legem seu regulam: *Si que simul percepimus & unius perceptio, denuo producatur, imaginatio producit & perceptionem alterius.* Ex. gr. si quis excitaverit in se ope *imaginationis* ideam hujus vel illius hominis absens, certe illum non potest concipere nisi simul oriatur idea vel vestium, vel loci, in quo illum vidit, vel alius

lius cuiusdam objecti. Adeoque huc forte applicari potest assertum, imaginationem confusas & inter se mixtas gignere ideas, qvas sola ratio distingvit. Hæc sunt pauca illa, qvæ in subtilissima ac simul intricatissima materia hacce observare potui, qvæ si benigne excipientur, obtinui qvod volo; sin minus, aliorum, qvi & ingenii felicioris & facultatum meliorum sunt, limationra exspecto judicia. Interim sit.

SOLI DEO GLORIA.



Clarissimo Domino Philosophiae CANDIDATO
Fautori & amico exoptatissimo.

Quoniam vetus illa necessitudo , qua mibi tecum , Clarissime Domine Candidate , intercedit , id mibi injungit ut res tuas secundas mihi quodam modo tribuas non possum non hac occasione , qua alterum eruditionis tua specimen de genesi idearum publice lucis faciendo , Te philosophicis honoribus & clarissimis premiis dignum esse , restatum reddis , tanto maiori letitia affici , quanto majora incrementa amicitiam nostram indies capere sentio . Hec incredibilis latitia cum intra cancellos pectoris mei vix ac ne vix quidem coerceri potest , modestia vero tua prorsus singularis in laudes Tuas eam erumpere hand sinit , in gratulationes & vota ardentissima se diffundet . Gratulor Tibi , mi amice , virtutes insignes , qua , ut indies accrescunt , ita Te magis magisque felicem reddit & voti tui compotem . Gratulor Tibi exantatos labores academicos , & lauream , qua Te proptidem Apollo coronabit . Gratulor denique mibi non solum amicum sincerum sed & fautorum in Te exoptatissimum . Quod reliquum est , ex animo voveo , velit summus rerum arbiter istum conaminibus exceptisque suis successum largiri , qui maxime ejus gloriam . rei publica utilitatem , Tuam felicitatem , Tuorum solatium & amicorum denique gaudium promoveat perenne . date .

Sic summo animi affectu gratulari
voluit
CAROLUS G. F. RYDEEN
SATACHUNDENSIS